



**МОНГОЛ УЛСЫН
ЗАМ, ТЭЭВРИЙН ХӨГЖЛИЙН
САЙДЫН ТУШААЛ**

2023 оны 01 сарын 16 өдөр

Дугаар А/09

Улаанбаатар хот

**Шинжлэх ухаан, технологийн зөвлөлийн дүрэм,
бүрэлдэхүүнийг шинэчлэн батлах тухай**

Шинжлэх ухаан, технологийн тухай хуулийн 5 дугаар зүйлийн 5.2, 9 дүгээр зүйлийн 9.2-т заасныг тус тус үндэслэн ТУШААХ нь:

1.Зам, тээврийн хөгжлийн яамны Шинжлэх ухаан, технологийн зөвлөлийн дүрмийг нэгдүгээр хавсралтаар, зөвлөлийн бүрэлдэхүүнийг хоёрдугаар хавсралтаар, дэд зөвлөлийн бүрэлдэхүүнийг гуравдугаар хавсралтаар тус тус шинэчлэн баталсугай.

2.Энэхүү тушаал гарсантай холбогдуулан Зам, тээврийн хөгжлийн сайдын 2020 оны "Шинжлэх ухаан, технологийн зөвлөлийн дүрэм, бүрэлдэхүүнийг шинэчлэн батлах тухай" А/143 дугаар тушаалыг хүчингүй болсонд тооцсугай.

САЙД



С.БЯМБАЦОГТ

080000031

Зам, тээврийн хөгжлийн сайдын
2023 оны 9 сарын 16-ны өдрийн
А/09 дугаар тушаалын нэгдүгээр хавсралт



ЗАМ, ТЭЭВРИЙН ХӨГЖЛИЙН ЯАМНЫ ШИНЖЛЭХ УХААН, ТЕХНОЛОГИЙН ЗӨВЛӨЛИЙН ДҮРЭМ

Нэг. Ерөнхий зүйл

1.1. Энэхүү дүрмийн зорилго нь Зам, тээврийн хөгжлийн яамны Шинжлэх ухаан, технологийн зөвлөл (цаашид "Зөвлөл" гэх)-ийн үйл ажиллагаатай холбогдсон харилцааг зохицуулахад оршино.

Хоёр. Зөвлөлийн бүрэлдэхүүн

- 2.1. Зөвлөл нь дарга, дэд дарга, нарийн бичгийн дарга, гишүүдээс бүрдэнэ.
- 2.2. Зөвлөлийн бүрэлдэхүүний (2/3) гуравны хоёроос доошгүй хувь нь докторын зэрэг эсхүл зөвлөх инженер байна.
- 2.3. Зөвлөл нь зам, тээврийн салбар тус бүрээр дэд зөвлөл(цаашид "Дэд зөвлөл" гэх)-тэй байна.
 - 2.3.1. авто замын салбарын дэд зөвлөлийн чиг үүргийг "Авто замын салбарын Шинжлэх ухаан, техникийн дэд зөвлөл" хариуцуулан ажиллуулах.

Гурав. Зөвлөлийн бүрэн эрх

- 3.1. Зөвлөл нь Шинжлэх ухаан, технологийн тухай хуулийн 9 дүгээр зүйлд заасан шинжлэх ухаан, технологийн үйл ажиллагаатай холбогдсон бүрэн эрхийг хэрэгжүүлнэ.
- 3.2. Зөвлөл нь энэхүү дүрмийн 3.1-т зааснаас гадна дор дурдсан бүрэн эрхийг хэрэгжүүлнэ. Үүнд:
 - 3.2.1. зам, тээврийн салбарт шаардлагатай судалгаа, шинжилгээ, инновацийн төслийн саналыг хэлэлцэх;
 - 3.2.2. зам, тээврийн салбарын хэмжээнд нийтлэг мөрдөх техник, технологийн холбогдолтой дүрэм, журам, норм, норматив, техникийн баримт бичгийн төсөл, төсвийн жишиг үнэлгээ, техникийн дүгнэлт, инженерийн тооцоо судалгаа, шийдлийг хэлэлцэх;
 - 3.2.3. зам, тээврийн салбарт хэрэгжүүлж байгаа эрдэм шинжилгээ, судалгааны төсөл түүний үр дүнг үйлдвэрлэлд хэрхэн нэвтрүүлж, ашиглаж байгаа тухай захиалагч болон гүйцэтгэгч байгууллагын тайланг хэлэлцэх;
 - 3.2.4. гадаад, дотоодын хөрөнгөөр хэрэгжүүлсэн төслүүдийн техник, эдийн засгийн үзүүлэлт, судалгааны тайлан, инженерийн хайгуул, зураг төслийн техникийн шийдэл, хувилбаруудын харьцуулалт зэрэг асуудлыг хэлэлцэх;
 - 3.2.5. шинжлэх ухаан технологийн сан болон авто замын норм, нормативын сангийн хөрөнгөөр боловсруулсан норм норматив, техникийн баримт бичиг, судалгааны ажлын тайланг хэлэлцэх;
 - 3.2.6. бусад асуудал.

Дөрөв. Зөвлөлийн үйл ажиллагаа

4.1. Зөвлөлийн үйл ажиллагааны хэлбэр нь хурал байх бөгөөд түүнийг Зөвлөлийн дарга удирдан явуулна.

4.2. Зөвлөлийн даргын эзгүйд түүний эрх олгосон дагуу дэд дарга хурлыг удирдах бөгөөд ажлын үр дүнг биечлэн хариуцна.

4.3. Зөвлөлийн хуралд бүх гишүүдийн (2/3) гуравны хоёроос дээш хувь нь оролцсон тохиолдолд хүчинтэйд тооцно.

4.4. Зөвлөлийн хурлын тэмдэглэл, зөвлөмжид зөвлөлийн дарга, нарийн бичгийн дарга гарын үсэг зурж баталгаажсан байна.

4.5. Зөвлөлийн гишүүн хүндэтгэх шалтгаанаар хуралд оролцож чадахгүй тохиолдолд даргад мэдэгдэж чөлөө авна.

4.6. Чөлөө авсан гишүүн хэлэлцэх асуудалтай холбогдуулан нарийн бичгийн даргад саналаа бичгээр болон цахим хэлбэрээр өгч болох бөгөөд түүнийг санал хураалтад оруулж тооцно.

4.7. Хурлыг шаардлагатай тохиолдолд цахим хэлбэрээр зохион байгуулж болно.

Тав. Зөвлөлийн хурлын бэлтгэл ажлыг хангах

5.1. Зөвлөлийн хурлаар хэлэлцүүлэх асуудлын материал, бусад холбогдох бичиг баримтын эх хувийг нарийн бичгийн даргад цаасаар болон цахим хэлбэрээр ирүүлсэн байна.

5.2. Нарийн бичгийн дарга нь хурлаар хэлэлцүүлэх материал, холбогдох газар, байгууллагуудаас ирүүлсэн санал, Дэд зөвлөлийн санал, зөвлөмжийг Зөвлөлийн даргад танилцуулах бөгөөд түүний зөвшөөрлийг үндэслэн хэлэлцэх асуудлын төлөвлөгөөнд оруулж, гишүүдэд ажлын 5-аас доошгүй хоногийн өмнө цахим хэлбэрээр хүргүүлнэ.

5.3. Зөвлөлийн хурлаар хэлэлцүүлэх материал нь дараах шаардлагыг хангасан байна. Үүнд:

5.3.1. танилцуулга бэлтгэж, тухайн асуудлыг хэлэлцүүлэх болсон үндэслэл, шаардлага, эдийн засгийн тооцоо, үүсч болох нийгэм эдийн засгийн үр дагавар, тэдгээрийг шийдвэрлэх талаар авч хэрэгжүүлэх арга хэмжээний санал, ач холбогдол, үр дүнг тодорхойлсон байх;

5.3.2. хуралд хэлэлцүүлэх асуудлыг тухайн чиглэлийн холбогдох байгууллага, их, дээд сургууль, эрдэм шинжилгээний байгууллага, зураг төслийн зөвлөх болон гүйцэтгэгч байгууллага, эрдэмтэд, зөвлөх инженерийн санал, шүүмжийг бичгээр гаргуулан авч хавсарган саналыг хэрхэн тусгасан талаар товъёог хийсэн байх;

5.3.3. хуралд оруулж буй асуудал нь урьдчилан тус яамны холбогдох газар, шаардлагатай бол харьяа газар, байгууллагуудын санал авсны үндсэн дээр хэлэлцэгдсэн байх;

5.3.4. хуралд оруулж буй асуудал нь урьдчилан Дэд зөвлөлийн хурлаар хэлэлцэгдсэн санал, зөвлөмж гаргасан байх;

5.3.5. зөвлөлийн хурлаас гарах шийдвэрийн төсөл боловсруулан хавсаргасан байх.

5.4. Зөвлөлийн хурлаар хэлэлцүүлэх асуудлаар зайлшгүй шаардлагатай гэж үзвэл мэргэжлийн экспертизийн дүгнэлт гаргуулахаар ажлын хэсэг, эсхүл шинжээч томилж болно.



5.5. Зөвлөлийн дарга нь яаралтай хэлэлцэх асуудлаар хурлыг шууд зарлан зохион байгуулж болох бөгөөд уг хэлэлцэх асуудал энэхүү дүрмийн 5.3 дахь заалтын шаардлагыг хангасан байна.

Зургаа. Зөвлөлийн хурал

6.1. Зөвлөлийн дарга хурлыг нээж, нарийн бичгийн дарга хэлэлцэх асуудлыг танилцуулна.

6.2. Хэлэлцэж буй асуудлыг оруулж байгаа газар, байгууллага, аж ахуйн нэгжийн төлөөлөл товч танилцуулга хийсний дараа Зөвлөлийн гишүүд уг асуудлаар асуулт тавьж, хариулт авна.

6.3. Хэлэлцэх асуудалд өгсөн тухай Дэд зөвлөлийн санал, зөвлөмж, холбогдох газар, байгууллагаас ирүүлсэн саналыг тус тус танилцуулна.

6.4. Хэлэлцүүлэг дууссаны дараа Зөвлөлийн гишүүд санал гаргана.

6.5. Зөвлөлийн дарга, дэд дарга, нарийн бичгийн дарга, гишүүдийн олонхын саналаар хурлын шийдвэр гаргах бөгөөд уг шийдвэр нь зөвлөмжийн хэлбэртэй байна.

6.6. Хурлаар хэлэлцүүлэх асуудлын онцлогийг харгалзан Зөвлөлийн даргын зөвшөөрснөөр мэргэжлийн байгууллага, холбогдох албан тушаалтныг хуралд оролцуулж болно.

6.7. Зөвлөлийн хурлын явцыг баримтжуулах зорилгоор тэмдэглэл хөтлөх ба түүнд хуралд оролцсон бүх гишүүд, тухайн асуудал бүр дээр тэдгээрийн гаргасан санал, зөвлөмж, санал хураалтын дүнг заавал тусгаж, баталгаажуулсан байна.

6.8. Зөвлөлийн нарийн бичгийн дарга нь хурлаас гарсан тэмдэглэл, зөвлөмжийг холбогдох байгууллага, газарт хүргүүлэх, биелэлтийг тогтоосон хугацаанд тайлагнах, хэлэлцсэн материалын баримт бичгийг нэгтгэн зохих журмын дагуу архивын нэгж бүрдүүлэн зохих журмын дагуу шилжүүлэх үүргийг хүлээнэ.

Долоо. Зөвлөлийн үйл ажиллагааны санхүүжилт

7.1. Зөвлөлийн хурлаар хэлэлцүүлэх зардал нь хуралд оролцсон Зөвлөлийн дарга дэд дарга, нарийн бичгийн дарга, гишүүд болон Дэд зөвлөлийн ахлагч, нарийн бичиг, гишүүдийн ажлын хөлс, урамшуулал, бичиг хэргийн зардлаас бүрдэх бөгөөд уг зардлыг Зам, тээврийн хөгжлийн сайдын 2018 оны 142 дугаар тушаалаар батлагдсан "Авто замын норм, норматив сангийн ажиллах журам"-ын 4.1.6 дахь заалтыг үндэслэн "Авто замын норм, нормативын сан"-аас шийдвэрлэн гаргана.

7.2. Зөвлөлийн дарга, дэд дарга, нарийн бичгийн дарга, гишүүд болон Дэд зөвлөлийн ахлагч, нарийн бичиг, гишүүдийн хуралд оролцсон нэг цагийн ажлын хөлсийг 55000 (тавин таван мянган) төгрөгөөр тооцон олгоно.

7.3. Урамшууллыг гишүүдийн оролцоо, ажлын үр дүнг харгалзан олгож болно:

7.3.1. хуралд асуулт асууж оролцсон байдал ба идэвх;

7.3.2. хэлэлцсэн асуудлаар шийдвэрт эерэгээр нөлөөлөхүйц үндэслэл гаргасан байдал.



Найм. Зөвлөлийн гишүүний ёс зүйн хэм хэмжээ

8.1. Гишүүн нь хүндэтгэн үзэх шалтгаангүйгээр 3 буюу түүнээс дээш дараалан хуралд оролцоогүй нь зөвлөлийн бүрэлдэхүүнээс чөлөөлөх үндэслэл болно.

8.2. Гишүүд аливаа санал гаргахдаа улсын төсвийг хэмнэлттэй зарцуулах, хэрэглэгчид ба нийтийн эрх ашигт нийцсэн шийдвэр гаргах, инженерийн ёс зүйтэй байхыг тус тус шаардана.

8.3. Гишүүн нь ашиг сонирхлын зөрчил үүсч болзошгүй тохиолдолд түүнийгээ Зөвлөлийн даргад бичгээр мэдэгдэж, санал хураалтад оролцохоос татгалзах үүрэгтэй бөгөөд энэ нь мэргэжлийн зүгээс хэлэлцүүлэгт оролцохыг хязгаарлах үндэслэл болохгүй.

-----oOo-----



Зам, тээврийн хөгжлийн сайдын
2023 оны 01 сарын 16-ны өдрийн
1/09 дугаар тушаалын хоёрдугаар хавсралт




ЗАМ, ТЭЭВРИЙН ХӨГЖЛИЙН ЯАМНЫ
ШИНЖЛЭХ УХААН, ТЕХНОЛОГИЙН ЗӨВЛӨЛИЙН БҮРЭЛДЭХҮҮН

№	Овог, нэр	Байгууллага, албан тушаал	Мэргэжил, боловсролын зэрэг, цол
Дарга			
1	Л.Халтар	Зам, тээврийн хөгжлийн дэд сайд	Төмөр замын инженер, доктор (Ph.D)
		Дэд дарга	
2	Д.Гэрэлням	Бодлого, төлөвлөлтийн газрын Мэдээллийн технологи, стандартын хэлтсийн дарга	Авто замын инженер, доктор (Ph.D), зөвлөх инженер
Нарийн бичгийн дарга			
3	Ө.Одгэрэл	Бодлого, төлөвлөлтийн газрын Мэдээллийн технологи, стандартын хэлтсийн ахлах шинжээч	Электроникийн инженер, доктор (Ph.D), зөвлөх инженер, дэд профессор
Гишүүд			
4	Ц.Баяржаргал	Авто тээврийн бодлогын хэрэгжилтийг зохицуулах газрын шинжээч	Автотээврийн инженер, доктор (Ph.D)
5	А.Батболд	"Улаанбаатар төмөр зам" ХНН-ийн Ерөнхий инженерийн орлогч	Тээвэр зохион байгуулалтын инженер, зөвлөх инженер (зөвшилцсөнөөр)
6	Д.Одгэрэл	Иргэний нисэхийн ерөнхий газрын АННББЗГ-ын Төсөл хөтөлбөрийн хэлтсийн дарга	Нислэгийн хөдөлгөөний удирдагч, электроникийн инженер (зөвшилцсөнөөр)
7	Г.Ундраа	Иргэний нисэхийн ерөнхий газрын Агаарын навигаци, нисэх буудлын бодлого зохицуулалтын газрын мэргэжилтэн	Бизнесийн удирдлага, агаарын тээврийн менежмент-эдийн засагч, докторант (зөвшилцсөнөөр)
8	А.Мөнхболд	"Монголын логистикийн холбоо"-ны тэргүүн	Тээвэр, логистикийн инженер, доктор (Ph.D), (зөвшилцсөнөөр)

9	Л.Болд	“Улаанбаатар төмөр зам” ХНН-ийн Вагоны аж ахуйн албаны дарга	Төмөр замын вагон байгууламжийн инженер, доктор (Ph.D), зөвлөх инженер(зөвшилцсөнөөр)
10	Ё.Батсайхан	“Төмөр замын инженерүүдийн холбоо”-ны Удирдах зөвлөлийн гишүүн, зөвлөх инженер	Төмөр замын инженер, зөвлөх инженер, (зөвшилцсөнөөр)
11	Б.Болд	МАЗХ-ны гишүүн, төслийн зөвлөх инженер	Авто замын инженер, доктор (Ph.D), зөвлөх инженер(зөвшилцсөнөөр)
12	Б.Эрдэнэбат	Батлан хамгаалахын эрдэм шинжилгээний хүрээлэнгийн захирал	Цэргийн нисэхийн инженер, доктор (Ph.D) профессор (зөвшилцсөнөөр)
13	И.Базаррагчаа	ШУТИС-ийн Механик тээврийн сургуулийн Тээврийн салбарын эрхлэгч	Автотээврийн инженер, доктор (Ph.D), дэд профессор (зөвшилцсөнөөр)
14	Х.Гантөмөр	“Их Монгол Барилга” ХХК-ийн захирал	Гүүрийн барилгын инженер, зөвлөх инженер(зөвшилцсөнөөр)
15	Д.Готов	“Монголын авто инженерүүдийн нийгэмлэг” ТББ-ын тэргүүн	Автотээврийн инженер, доктор (Sc.D) (зөвшилцсөнөөр)
16	Х.Булгаа	ШУТИС-ийн Бизнесийн ахисан түвшний сургуулийн багш	Тээврийн менежмент, доктор (Ph.D) (зөвшилцсөнөөр)
17	Р.Буд	“Монголын авто замын инженерүүдийн нийгэмлэг”-ийн тэргүүн	Авто замын инженер, зөвлөх инженер (зөвшилцсөнөөр)
18	Ж.Батсайхан	Авто замын зөвлөх компаниудын “Оюут” төвийн тэргүүн	Авто замын инженер, доктор (Ph.D), зөвлөх инженер, (зөвшилцсөнөөр)
19	Н.Батнасан	МУИС-ийн Бизнесийн сургуулийн профессор	Гадаад худалдааны эдийн засаг, доктор (Ph.D), дэд профессор (зөвшилцсөнөөр)

---oOo---



Зам, тээврийн хөгжлийн сайдын
2023 оны 07 сарын 16-ны өдрийн
А/09 дугаар тушаалын гуравдугаар хавсралт



АВТОТЭЭВРИЙН САЛБАРЫН ШИНЖЛЭХ УХААН, ТЕХНОЛОГИЙН
ДЭД ЗӨВЛӨЛИЙН БҮРЭЛДЭХҮҮН


Ахлагч: Ё.Жаргалсайхан	Автотээврийн бодлогын хэрэгжилтийг зохицуулах газрын дарга, доктор (Ph.D)
Нарийн бичиг: Ц.Баяржаргал	Автотээврийн бодлогын хэрэгжилтийг зохицуулах газрын шинжээч, доктор (Ph.D)
Гишүүд: Ц.Нэргүйбаатар	Автотээврийн бодлогын хэрэгжилтийг зохицуулах газрын ахлах шинжээч
Х.Булгаа	ШУТИС-ийн БАТС-ийн багш, доктор (Ph.D) (зөвшилцсөнөөр)
А.Батчулуун	“АТҮТ” ТӨҮГ-ын Судалгаа, хөгжил чанарын удирдлагын төвийн ахлах мэргэжилтэн (зөвшилцсөнөөр)
А.Цэцэгмаа	“Төмөрлөг машин үйлдвэрлэл, инженерингийн ассоциаци”-ийн тэргүүн, доктор (Ph.D) (зөвшилцсөнөөр)
Ж.Сэрээтэр	“Зам, тээврийн хүрээлэн” ТББ-ын тэргүүн доктор (Ph.D) (зөвшилцсөнөөр)
И.Базаррагчаа	ШУТИС-ийн Механик тээврийн сургуулийн Тээврийн салбарын эрхлэгч, доктор (Ph.D)
Гишүүн	Аж ахуйн нэгжийн төлөөлөл (тухай бүр зөвшилцсөнөөр)
Гишүүн	Төрийн бус байгууллага, мэргэжлийн холбоодын төлөөлөл (тухай бүр зөвшилцсөнөөр)
Гишүүн	Их, дээд сургуулийн төлөөлөл (тухай бүр зөвшилцсөнөөр)

Тайлбар: Тухайн хэлэлцэх асуудлаас хамаарч дэд зөвлөлийн бүрэлдэхүүнийг өргөтгөж болно.

ТӨМӨР ЗАМ, ДАЛАЙН ТЭЭВРИЙН САЛБАРЫН
ШИНЖЛЭХ УХААН, ТЕХНОЛОГИЙН ДЭД ЗӨВЛӨЛИЙН БҮРЭЛДЭХҮҮН

Ахлагч: М.Энхболд	Төмөр зам, далайн тээврийн бодлогын хэрэгжилтийг зохицуулах газрын дарга
Нарийн бичиг: Ц.Наранчимэг	Төмөр зам, далайн тээврийн бодлогын хэрэгжилтийг зохицуулах газрын шинжээч
Гишүүд: А.Буяннэмэх	"Галт тэрэгний хөдөлгөөн зохицуулалтын нэгдсэн төв" УТҮГ-ын дарга
С.Мөнх-Алдар	Улаанбаатар төмөр зам" ХНН-ийн Техникийн бодлого, стандартчиллын албаны дарга (зөвшилцсөнөөр)
Г.Вандандагва	Монгол Улсын зөвлөх инженер (зөвшилцсөнөөр)
М.Бямбасүрэн	Төмөр замын дээд сургуулийн Механикийн багш, Эрдэмтэн нарийн бичгийн дарга, доктор (Ph.D) (зөвшилцсөнөөр)
Д.Нямлхагва	"Монголын төмөр зам" ТӨХК-ийн ерөнхий инженер (зөвшилцсөнөөр)
Б.Болор-Эрдэнэ	"ТТЗ" ХХК-ийн ерөнхий инженер (зөвшилцсөнөөр)
Гишүүн	Аж ахуйн нэгжийн төлөөлөл (тухай бүр зөвшилцсөнөөр)
Гишүүн	Төрийн бус байгууллага, мэргэжлийн холбоодын төлөөлөл (тухай бүр зөвшилцсөнөөр)
Гишүүн	Их, дээд сургуулийн төлөөлөл (тухай бүр зөвшилцсөнөөр)

Тайлбар: Тухайн хэлэлцэх асуудлаас хамаарч дэд зөвлөлийн бүрэлдэхүүнийг өргөтгөж болно.



ИРГЭНИЙ НИСЭХИЙН САЛБАРЫН ШИНЖЛЭХ УХААН, ТЕХНОЛОГИЙН ДЭД
ЗӨВЛӨЛИЙН БҮРЭЛДЭХҮҮН

Ахлагч: Ч.Мөнхтуяа	Иргэний нисэхийн бодлогын хэрэгжилтийг зохицуулах газрын дарга
Нарийн бичиг: Г.Лувсан-Одсэр	Иргэний нисэхийн бодлогын хэрэгжилтийг зохицуулах газрын мэргэжилтэн
Гишүүд: Т.Батжаргал	Иргэний нисэхийн ерөнхий газрын Захиргаа, удирдлагын газрын дарга, нисэгч, доктор(Ph.D)
Н.Батсайхан	Иргэний нисэхийн ерөнхий газрын АННББЗГ-ын менежер бөгөөд ИНУТ-ийн дарга
Д.Уртнасан	Иргэний нисэхийн үндэсний төвийн Агаарын навигацийн үйлчилгээний газрын ахлах мэргэжилтэн
Э.Энхмөнх	Иргэний нисэхийн ерөнхий газрын АННББЗГ-ын техникийн бодлого хариуцсан мэргэжилтэн
Л.Болд-Эрдэнэ	ХНАА-ны дэд дарга
Гишүүн	Аж ахуйн нэгжийн төлөөлөл (тухай бүр зөвшилцсөнөөр)
Гишүүн	Төрийн бус байгууллага, мэргэжлийн холбоодын төлөөлөл (тухай бүр зөвшилцсөнөөр)
Гишүүн	Их, дээд сургуулийн төлөөлөл (тухай бүр зөвшилцсөнөөр)

Тайлбар: Тухайн хэлэлцэх асуудлаас хамаарч дэд зөвлөлийн бүрэлдэхүүнийг өргөтгөж болно.

